

1. Hadžan Konjo, predsjednik Skupštine
2. Mersiha Duraković, član Skupštine
3. Mirsad Ibrović, član Skupštine

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-25026/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14,00, 3/01, 28/04 i 6/13), člana 12. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13) i člana 3. i 10. Odluke o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11, 1/13 i 21/14), Skupština Kantona Sarajevo na Osmoj hitnoj sjednici, održanoj dana 31.07.2017. godine, donijela je

ODLUKU

**O POTVRĐIVANJU IMENOVANJA VRŠILACA
DUŽNOSTI PREDSEDNIKA I ČLANOVA SKUPŠTINE
KANTONALNOG JAVNOG KOMUNALNOG
PREDUZEĆA "VODOVOD I KANALIZACIJA" D.O.O.
SARAJEVO**

I

Ovom Odlukom potvrđuje se imenovanje vršilaca dužnosti predsjednika i članova Skupštine Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljem tekstu: Skupština Preduzeća), i to:

- (1) Muamer Kosovac, vršilac dužnosti predsjednika Skupštine
- (2) Sedin Kozadra, vršilac dužnosti člana Skupštine
- (3) Faruk Šahbegović, vršilac dužnosti člana Skupštine

II

Vršilac dužnosti predsjednika i članova Skupštine iz tačke I ove Odluke imenuju se na period do konačnog imenovanja, a najduže do šest mjeseci.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-25027/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Vlada Kantona Sarajevo

Na osnovu čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 170. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16), Vlada Kantona Sarajevo, na 91. sjednici održanoj 04.08.2017. godine, donijela je

UREDBU

**O PLAĆANJU TROŠKOVA DŽENAZE/SAHRANE/
UKOPA ZA SOCIJALNE KATEGORIJE**

Član 1.

(Predmet Uredbe)

Uredbom o plaćanju troškova dženaze/sahrane/ukopa za socijalne kategorije (u daljem tekstu: Uredba) uređuje se plaćanje troškova dženaze/sahrane/ukopa za socijalne kategorije (u

daljem tekstu: plaćanje troškova) iz Budžeta Kantona Sarajevo sa pozicije Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), podnosioci zahtjeva, uslovi za plaćanje troškova, postupak, sredstva za finansiranje, nadležni organi, kao i druga pitanja od značaja za plaćanje troškova.

Član 2.

(Podnosilac zahtjeva)

- (1) Podnosilac zahtjeva za plaćanje troškova može biti: član porodice preminulog lica, ustanova socijalne zaštite u kojoj je lice bilo na smještaju, lice koje će se starati o obavljanju dženaze/sahrane/ukopa, privredno društvo koje je registrovano za obavljanje pogrebnih djelatnosti ili drugo fizičko ili pravno lice (u daljem tekstu: podnosilac zahtjeva).
- (2) Članom porodice smatra se: bračni/vanbračni drug, djeca rođena u braku i van braka, usvojlac i usvojenik, otac, majka, oćuh, maćeha, braća i sestre, nena/baba, djed, staratelj i štitićenik.
- (3) Drugim fizičkim ili pravnim licem smatra se svako fizičko ili pravno lice koje je upoznato s činjenicom smrti i koje podnese zahtjev za plaćanje troškova.

Član 3.

(Uslovi za plaćanje troškova)

Plaćanje troškova ostvaruje se pod uslovom:

- a) da je preminulo lice ili član porodice preminulog lica evidentiran kao korisnik prava na stalnu novćanu pomoć po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) (u daljem tekstu: Federalni zakon) i Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16) (u daljem tekstu: Kantonalni zakon),
- b) da je preminulo lice evidentiran kao korisnik socijalne zaštite iz člana 12. Federalnog zakona i člana 14. Kantonalnog zakona, koji je smješten u ustanovu socijalne zaštite putem Javne ustanove "Kantonalni centar za socijalni rad" (u daljem tekstu: Centar) i za kojeg Centar u cijelosti snosi troškove smještaja.

Član 4.

(Postupak)

- (1) Postupak ostvarivanja plaćanja troškova vodi Centar putem službi socijalne zaštite (u daljem tekstu: Služba), prema prebivalištu/boravištu preminulog lica, po skraćenom postupku u skladu sa članom 139. Zakona o upravnom postupku ("Službene novine Federacije BiH", br. 2/98 i 48/99).
- (2) O žalbi na rješenje Službe odlučuje Ministarstvo.

Član 5.

(Izuzetni uslovi za plaćanje troškova)

- (1) Izuzetno, plaćanje troškova može se ostvariti pod uslovom da se radi o licu u stanju socijalne potrebe ili licu nepoznatog identiteta.
- (2) Lice u stanju socijalne potrebe iz stava (1) ovog člana je preminulo lice za koje Služba uvidom u okolnosti u kojima je živjelo, ocijeni da se ne mogu obezbijediti sredstva za obavljanje dženaze/sahrane/ukopa preminulog lica.
- (3) Ocjena iz stava (2) ovog člana može se izvršiti na osnovu uvjerenja Javne ustanove "Služba za zapošljavanje Kantona Sarajevo" Sarajevo za nezaposlena lica, ćeka od posljednje isplaćene penzije, posljednje platne liste ili uvjerenja o visini plaće, invalidnine, potvrde mjesne zajednice o broju članova domaćinstva i drugih dokaza koje je po mišljenju Službe potrebno izvesti i nakon socioanamnestićke obrade preminulog lica i članova njegove porodice.
- (4) Lice nepoznatog identiteta u smislu stava (1) ovog člana je lice kod kojeg je nastupila smrt na području Kantona Sarajevo, a za

koje nakon provedenog odgovarajućeg zakonskog postupka od strane nadležnih organa nije utvrđen identitet.

- (5) Postupak ostvarivanja plaćanja troškova vodi se na način propisan u članu 4. ove uredbe.

Član 6.

(Pravo refundacije)

- (1) Član porodice ili lice koje je obavilo dženazu/sahranu/ukop lica koje je bilo korisnik prava u smislu člana 3. ove Uredbe, u roku od 15 dana od dana obavljanja dženaze/sahrane/ukopa ima pravo podnijeti zahtjev za refundaciju troškova.
- (2) Refundacija troškova dženaze/sahrane/ukopa se ostvaruje prema troškovima utvrđenim u čl. 8. i 9. ove uredbe.
- (3) O pravu na refundaciju troškova dženaze/sahrane/ukopa u prvom stepenu odlučuje Služba, a o žalbi na rješenje Službe odlučuje Ministarstvo.

Član 7.

(Definicija troškova)

- (1) Troškovi dženaze/sahrane/ukopa obuhvataju troškove tehničkog dijela i troškove vjerskog obreda (u daljem tekstu: troškovi).
- (2) Troškovi tehničkog dijela dženaze/sahrane/ukopa obuhvataju osnovne pogrebne usluge i osnovnu pogrebnu opremu.

Član 8.

(Troškovi tehničkog dijela)

- (1) Ministarstvo snosi troškove tehničkog dijela dženaze/sahrane/ukopa do 1.170,00 KM (slovima: hiljadustotinusedamdesetkonvertibilnihmaraka), sa uračunatim porezom na dodatu vrijednost.
- (2) Poslove tehničkog dijela dženaze/sahrane/ukopa obavljat će privredna društva koja ispunjavaju tehničko tehnološke uslove obavljanja pogrebnih djelatnosti i registrovana su na području Kantona Sarajevo.
- (3) Sa privrednim društvima iz stava (2) ovog člana Ministarstvo će za svaku kalendarsku godinu zaključiti ugovor kojim će definisati sadržaj dženaze/sahrane/ukopa za djecu i za odrasle.
- (4) Podnosilac zahtjeva opredijelit će se za jedno od privrednih društava sa kojima Ministarstvo ima zaključen ugovor.
- (5) Ministarstvo će dostaviti Centru listu privrednih društava iz stava (2) ovog člana sa kojima zaključi ugovor.
- (6) Izuzetno, ukoliko se prilikom obavljanja tehničkog dijela ukaže opravdana potreba za dodatnim uslugama ili opremom, Ministarstvo može odobriti isplatu i snositi troškove u iznosu većem od iznosa iz stava (1) ovog člana.

Član 9.

(Troškovi vjerskog obreda)

- (1) Sa davaocem usluga vjerskog obreda, Ministarstvo će za svaku kalendarsku godinu zaključiti ugovor, kojim će se utvrditi iznos troškova vjerskog obreda dženaze/sahrane/ukopa, koji se reguliše ovim ugovorom.
- (2) Vjerski obred dženaze/sahrane/ukopa će obaviti davalac usluga iz stava (1) ovog člana kojeg izabere podnosilac zahtjeva.
- (3) Ministarstvo snosi troškove vjerskog dijela dženaze/sahrane/ukopa do 400,00 KM (slovima: četiristotinekonvertibilnihmaraka).

Član 10.

(Plaćanje troškova)

Plaćanje troškova dženaze/sahrane/ukopa, u smislu člana 7. ove Uredbe, vršit će se na osnovu ispostavljenih faktura i dostavljenih rješenja iz čl. 4. i 5. ove Uredbe.

Član 11.

(Sredstva)

Sredstva za realizaciju troškova dženaze/sahrane/ukopa po ovoj Uredbi obezbjeđuju se u Budžetu Kantona Sarajevo, sa pozicije Ministarstva.

Član 12.

(Prelazna odredba)

- (1) Centar je obavezan Ministarstvu mjesečno dostavljati izvještaj o realizaciji ove Uredbe.
- (2) Postupci koji su pokrenuti prije donošenja ove uredbe, a nisu okončani, okončaće se u skladu sa ovom Uredbom.

Član 13.

(Gramatička terminologija)

Gramatička terminologija korištenja muškog i ženskog roda za pojmove u ovoj Uredbi, uključuje oba roda.

Član 14.

(Prestanak važenja ranijeg propisa)

Danom stupanja na snagu ove Uredbe prestaje važiti Uredba o regulisanju troškova dženaze/sahrane/ukopa ("Službene novine Kantona Sarajevo", br. 14/06 i 27/13).

Član 15.

(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-25144-5/17

04. augusta 2017. godine
Sarajevo

Premijer

Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 91. sjednici održanoj 04.08.2017. godine, donijela je

ODLUKU

O DAVANJU SAGLASNOSTI ZA IMENOVANJE DIREKTORA JAVNE USTANOVE "MUSA ĆAZIM ĆATIĆ"

I

Daje se saglasnost Školskom odboru Javne ustanove Osnovna škola "Musa Ćazim Ćatić" da se Fatima Prohić, mr. odgojnih nauka imenuje za direktora Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25144-7/17

04. augusta 2017. godine
Sarajevo

Premijer

Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 91. sjednici održanoj 04.08.2017. godine, donijela je

ODLUKU

O DAVANJU SAGLASNOSTI ZA IMENOVANJE DIREKTORA JAVNE USTANOVE "TREĆA OSNOVNA ŠKOLA"

I

Daje se saglasnost Školskom odboru Javne ustanove "Treća osnovna škola" da se Alma Jakubović, profesor istorije književnosti naroda i narodnosti Jugoslavije srpskohrvatskog-hrvatskosrpskog jezika imenuje za direktora Škole.